

REGULAMENTO DE PRÁCTICAS ACADÉMICAS EXTERNAS

Obxecto do presente regulamento

O obxecto deste regulamento é establecer as normas para a realización, asignación de titores, elección de temas e avaliación das prácticas académicas externas (PAE) do alumnado do *Máster en Valoración, Xestión e Protección do Patrimonio Cultural* pola Universidade de Vigo.

1. Aspectos xerais

Art. 1. De acordo coa planificación docente do *Máster Universitario en Valoración, Xestión e Protección do Patrimonio Cultural* pola Universidade de Vigo, que se axusta ao RD 592/2014, é requisito indispensable para a consecución do título a realización de prácticas académicas externas cunha carga docente de 6 créditos ECTS.

Art. 2. As prácticas académicas externas (PAE) deberán realizarse no marco do convenio de cooperación educativa suscrito entre as distintas entidades colaboradoras e a Universidade de Vigo para o desenvolvemento dun programa de prácticas profesionais dos/das estudantes do *Máster en Valoración, Xestión e Protección do Patrimonio Cultural* pola Universidade de Vigo.

Art. 3. A Comisión Académica do Máster estimulará a búsqueda de empresas, institucións e entidades públicas e privadas de ámbito nacional e internacional, que a través da realización de PAE permitan ao alumnado alcanzar unha mellor cualificación e futura adaptación aos postos de traballo demandados polas empresas do sector.

Art. 4. Cada entidade colaboradora designará a un titor/a que se encargará do seguimento das prácticas, impulsará a súa realización e emitirá informe sobre o seu contido e avaliación seguindo o procedemento descrito no artigo 11 deste regulamento.

Art. 5. En cada módulo elixirase un profesor da universidade para que actúe como titor/a académico das PAE vinculadas temáticamente a él.

2. Asignación de entidade colaboradora, tema e titores.

Art. 6. A Comisión Académica do Máster habilitará os medios necesarios para prover a todo o alumnado dunha entidade colaboradora en que realizar as PAE.

Art. 7. O coordinador/a da materia *PRÁCTICAS* será responsable da tramitación ou renovación dos convenios de cooperación educativa coas entidades colaboradoras antes do inicio das PAE.

Art. 8. O coordinador/a da materia *PRÁCTICAS* será responsable da asignación dos alumnos/as ás entidades colaboradoras para a realización das PAE. A temática do traballo a desenvolver no marco das PAE deberá axustarse aos obxectivos xerais do máster e en concreto ás competencias do Módulo 5.

Tralo inicio do curso académico, o coordinador/a da materia *PRÁCTICAS* publicará na plataforma docente a lista de centros cos que exista un convenio docente e as liñas de traballo que ofertan. Antes do 30 de novembro, o alumnado realizará a elección de tres centros, priorizándoos, e comunicará esta elección mediante o envío á Secretaría do Máster do ANEXO I "*Elección de centro de prácticas*". No caso de que as solicitudes superen o número de prazas ofertadas para un mesmo centro, a asignación final corresponderá á Comisión Académica.

Aqueles alumnos/as que así o desexen poden solicitar a convalidación das prácticas, presentando o ANEXO II "*Solicitud de convalidación de prácticas*".

Art. 9. Unha vez asignados os centros de prácticas o coordinador/a da materia *PRÁCTICAS* cumprimentará e enviará ao titor/a académico o impreso D.4. Formalización das PAE. O titor académico imprimirá tres exemplares que debidamente asinados, entregará ao alumno/a, ao titor da entidade colaboradora e ao coordinador/a da materia *PRÁCTICAS*.

3. Período de prácticas

Art. 10. As PAE desenvolveranse preferentemente no período fixado para esta materia no horario oficial, pero en casos excepcionais poderán realizarse en calquera outro período do curso académico se as actividades a desenvolver así o requiren, sempre e cando non interfiran nas actividades formativas e responsabilidades do alumno/a e finalicen antes do 1 de xullo.

Art. 11. O número de horas de prácticas académicas externas será de 140 presenciais e 10 preparatorias, podendo

desenvolverse cunha xornada laboral libremente fixada pola entidade colaboradora.

4. Avaliación das prácticas académicas externas

Art. 12. Finalizado o período de PAE, o titor/a do alumno/a na entidade colaboradora remitirá ao titor/a académico, o informe de valoración utilizando o impreso D.5. Informe titor entidade colaboradora.

Art. 13. Pola súa parte, o alumno/a deberá tamén remitir ao titor/a académico o impreso D.6. Informe estudante e a Memoria Final de PAE. A Memoria Final de Prácticas axustarase en extensión e contidos ao modelo que se facilitará na plataforma docente.

Art. 14. Unha vez recibidos os informes de valoración e a Memoria Final de Prácticas, o titor académico será o responsable de emitir a valoración final das prácticas, utilizando os impresos D.7. Informe titor/a académico e D.8. Certificado acreditativo, en base aos seguintes parámetros:

1. Análise da valoración global do titor/a da entidade colaboradora, recollida no impreso D.5. Informe titor entidade colaboradora.
2. Avaliación da Memoria Final de PAE enviada polo alumno/a.

Os criterios de avaliación de cada parámetro (informe e memoria) publicaranse cada ano na guía docente da materia.

Art. 15. O coordinador/a da materia *PRÁCTICAS*, recibidos debidamente cumprimentados os impresos D4, D5, D6, D7 e D8, será o responsable de cubrir as actas coa cualificación final outorgada polo titor/a académico, que poderá puntuarse entre 0 e 10 con posibilidade de incluír decimais, en base á media entre os puntos 1 e 2 do parágrafo anterior.